

DIE SKIPPERTJIE

Nuusbrief van Laerskool Park, Mosselbaai

3/2025

7 Februarie 2025



IN HIERDIE UITGAWE

UIT DIE KAJUIT

BELANGRIKE INLIGTING EN
UITSLAE

1. WKOD-sistemiese toetsing
2. Skoolfonds
3. Atletiek
4. D6 Connect-toepassing
5. Leedwese
6. Tennis
7. Skoonste klasse
8. Skooltye
9. Personeelverjaardae
10. CSV – SOS
11. Klub 100 manne-aand

*“Respect yourself
enough to know
you deserve the
very best.”*

Afrikaanse woord van die week

Voortreflik: *Iets wat
uitstekend of perfek is.*

2025 SKOOLKWARTALE

- 1ste:** 15 Januarie – 28 Maart
2de: 8 April – 27 Junie
3de: 22 Julie – 3 Oktober
4de: 13 Oktober – 10 Desember

UIT DIE KAJUIT

Respek (2). Ons is steeds besig met die waarde van respek. Volgende week gee ons aandag daaraan dat ons respek vir onself moet hê. Om respek vir onself te hê beteken vir my dat jy trots is op wie en wat jy is. Verder is mens trots op wat jy doen en ook hoe jy dinge doen. Laastens om respek vir jouself te hê is om ook trots te wees op hoe jy lyk. Onmiddellik kom die volgende paar gedagtes hieroor by my op:

- Netheid van jou werk, op jouself, jou kleredrag, op jou omgewing, op jou eie goed.
- Deeglikheid van hoe dinge gedoen en deurgevoer word.
- Hoe jy praat, wat jy sê, die tipe woorde wat jy gebruik.
- Trots op jouself, jou werk, jou gesin en familie, jou skool.
- Selfvertroue om jouself te wees en reg op te tree in elke situasie.

Respek begin dus by jouself. Dit is die rede hoekom mens elke dag alles 100% goed moet doen. Kinders moet geleer word dat om dinge halfhartig te doen, nie die moeite werd is nie. Dit is iets wat ons elke dag by hulle moet tuisbring deur die regte voorbeeld te wees en aan te spreek waar nodig. Onthou die goue reël van respek: *Doen aan ander wat jy aan jouself gedoen wil hê!* Seën vir almal.

Dr. André Smith

BELANGRIKE INLIGTING EN UITSLAE

1. WKOD-sistemiese toetsing

Jaarliks word alle graad 3 en 6 leerders onderwerp aan sistemiese toetsing van die WKOD in Wiskunde en Taal. Die uitslae van 2024, wat ons onlangs ontvang het, wys dat ons slaagsyfer en gemiddeldes eerstens ver bo die provinsiale uitslae is en tweedens ook aansienlik hoër is as ander kwintiel 5 skole wat soortgelyk aan Park is. Hierdie uitslae is weereens 'n onteenseglike bewys van die hoë akademiese standaard wat ons hier handhaaf en dat ons leerders op akademiese gebied vir geen skool hoef terug te staan nie. Ons is baie trots op ons leerders en personeel wat elke dag 100% gee. **(Sien 'n opsomming van die uitslae onderaan die nuusbrief)**

2. Skoolfonds

Baie dankie aan al ons ouers wat reeds hul skoolfonds vir die jaar betaal het. Skoolfonds vir 2025 is as volg vasgestel:

- Graad 1 – 7: R13 200
- Graad R en RR: R13 500



Ouers wat aansoek wil doen vir skoolfondskwytskelding of -verligting kan die nodige dokumente by die finansiële kantoor aphaal. Alle aansoeke moet teen 14 Februarie, tesame met die stawende dokumente, by die skool ingedien word. Ouers wat skoolfonds vooruit betaal teen einde Februarie ontvang 5%-korting op die jaar se skoolfondstrekening. Kontak Anneke Harmse vir enige navrae (sien die bankbesonderhede onder)

Kontak ons:

Kaapweg 49 Mosselbaai

Posbus 96, Mosselbaai, 6500

Tel: 044 691 1020/1

Epos: navrae@lspark.co.za

www.parklaerskool.co.za

VOLGENDE WEEK SE PROGRAM

Di, 11 Feb: Diskonto-boekuitstalling
PSG-Atletiek (HBos)

Wo, 12 Feb: Diskonto-boekuitstalling
Krieket vs Hartenbos

Do, 13 Feb: Diskonto-boekuitstalling
Tennis vs Hartenbos (Juniors)
Valentynsokkie (Gr. 6 en 7)

Vr, 14 Feb: Valentynsdag gewone klere
Tennis: Reef Hudson-toernooi
Landsdiens-strekkamp

Sa, 15 Feb: Atletiek: MBaai-byeenkoms
Landsdiens-strekkamp



Adverteer in Die Skippertjie

R100 per plasing per week. Advertensies word in A4-grootte onderaan die nuusbrief geplaas. Kontak vir Anneke Harmse om die betaling te reël. Advertensies kan aan juf. Karen by 060 7212 192 gestuur word. Advertensies moet in JPEG-formaat gestuur word.

BANKBESONDERHEDE

Naam: Laerskool Park

Skoolfonds

Bank: First National Bank (FNB)

Rekeningnommer: 62035 761 081

Takkode: 210-314

Verwysing: Kind se naam, van en
graad of toelatingsnommer

3. **Atletiek**

Ons atlete het geskitter tydens die Seksie B-byeenkoms van verlede naweek. Die volgende plekke is behaal:


- 1ste plekke: 101
- 2de plekke: 77
- 3de plekke: 56
- 4de plekke: 47

100% Parkies

Die volgende byeenkoms is die Mosselbaai-streekbyeenkoms wat op Saterdag, 15 Februarie plaasvind.

4. **D6 Connect-toepassing**

Om kommunikasie by die skool te verbeter is ons besig om oor te skakel na die D6 Connect-kommunikasiesstelsel. Alle ouers en leerders word op die stelsel geregistreer sodat kommunikasie en inligting maklik deurgestuur kan word aan u as ouer. Laai asb. die toepassing (App) vanaf u foon of rekenaar se Play store af en kies Laerskool Park as u skool van keuse. Maak asb. seker dat u die korrekte skool kies.



5. **Leedwese**

Ons het verneem van die afsterwe van een van ons graad 6-leerders, Larissa Wessou, se moeder. Ons harte en gebede gaan uit na haar en haar familie.

6. **Tennis**

Tennisuitslae van die week teen Laerskool Vorentoe:

- Dogters 1ste span wen 5-3
- Seuns 1ste/2de span verloor 3-6 teen Vorentoe se 1ste span

Die Rooi- en oranje bal spelers het ook baie goed gevaar teen Laerskool Van Reede. Baie geluk aan al die tennisspelers vir goeie spel gelewer.

7. **Skoonsste klasse kompetisie**

Baie geluk aan die volgende klasse wat hierdie week se kompetisie gewen het:

- 1ste – 4S
- 2de – 6K
- 3de – 5D

100% Parkies

8. **Personeelverjaardae**

Baie geluk aan die volgende personeel wat verjaar:

- 10 Februarie: Kosie Joseph
- 11 Februarie: Anita Smit en Hennie Otto

9. **Valentynsdag – 14 Februarie**

Ons beloningsdag val saam met Valentynsdag. Leerders mag volgende Vrydag gewone klere aantrek. Onthou dat gepaste kleredrag in valentynskleure (wit, pienk, rooi, swart, ens.) gedra moet word. Daar sal ook verkope van verskillende eetgoed en produkte op die dag plaasvind. Leerders kan 'n geldjie saambring daarvoor.

10. **CSV – Save Our Souls (SOS)**

Elke Vrydagoggend om 07:00-07:25 kom ons in die saal bymekaar om saam te sing en 'n geestelike boodskap te ontvang. Alle leerders is welkom.

11. **Klub 100 Manne-aand**

Klub 100 bied 'n Manne-aand aan op Saterdag, 1 Maart. Dit belooft om 'n heerlike aand van rugby gesels en kuier te wees. Pappas wat belang stel om 'n tafel of enkel kaartjies te bespreek moet gou spring voordat alle kaartjies uitverkoop is (sien die advertensie onderaan).

Sistemiese uitslae – 2024

Graad 3

Wiskunde

	Slaagpersentasie (50%)	Gemiddeld
Laerskool Park	100%	91,6%
Kwintiel 5 skole	74,9%	65%
Wes-Kaap	55,9%	53,3%

Taal (Afrikaans)

	Slaagpersentasie (50%)	Gemiddeld
Laerskool Park	93,8%	75,3%
Kwintiel 5 skole	67,1%	58,4%
Wes-Kaap	45,5%	45,6%

Graad 6

Wiskunde

	Slaagpersentasie (50%)	Gemiddeld
Laerskool Park	93,2%	74,8%
Kwintiel 5 skole	69%	60,9%
Wes-Kaap	41,5%	45,8%

Taal (Afrikaans)

	Slaagpersentasie (50%)	Gemiddeld
Laerskool Park	85,2%	66,2%
Kwintiel 5 skole	69,5%	57,1%
Wes-Kaap	41,5%	43,1%



LAERSKOOI PARK
KLUB 100



Standard Bank

FRANS STEYN

RUAN PIERCE



MANNE-AAND

SATERDAG, 1 MAART 2025

**MOSSELBAAI STADSAAL
18:00 - 23:00**

**R 7 500 PER TAFEL VAN 10
OF R800 PER PERSOON**

ETE EN DRANKIES INGESLUIT

**VIR TAFELBESPREKINGS
KONTAK:**

082 777 5250

park100@lspark.co.za



JAKKALSVLEI
PRIVATE CELLAR

VALENTINE'S PICNIC

at Jakkalsvlei

FRIDAY ♥ 14 FEB
16:00 - 19:00

SATURDAY ♥ 15 FEB
12:00 - 16:00

R750 per
couple

Picnic includes:

Welcome drink - A glass of of Jakkalsvlei Vonkel Chenin.

Gourmet Meats, Biltong, Ostrich Liver Pâté, Breadsticks, Biscuits,
Camembert, Smoked Mozzarella, Hummus, Olives, Figs & Onion Marmalade,
Smoked Salmon Cheesecake.

Sandwich with beef fillet strips with homemade bearnaise sauce.

Macarons & Brownies for dessert.





Is jy 'n ouer wat wil hê dat jou kind **selfvertroue** ontwikkel en sy **Wiskunde potensiaal bereik**?

GrR - Gr6

Ek help kinders van alle vermoëns om hulle skoolwerk te bemeester, goeie begrip te ontwikkel en om 'n stewige basis vir later jare te bou.

VIR MEER INLIGTING:

Stuur 'n WhatsApp na **Annabelle**
082 773 0702

Ek sal graag die geleentheid wil hê om met jou kind te werk.

mikimaths

Vir die slim ouer en slim kind wat die waarde oor die langtermyn verstaan.

www.mikimaths.com



Car Care Clinic

MOSSEL BAY Service Centre

★★★★★ 5 STAR GRADED WORKSHOP

LET US
SERVICE, REPAIR & MAINTAIN
YOUR VEHICLE FOR YOU

☎ : 044 124 0220 📞 : 079 202 2415

Email: mosselbay@carcareclinic.co.za

Address: 30 A Industrie Rd, Voorbaai, Mossel Bay



BOOKINGS CAN BE MADE ON OUR WEBSITE www.carcareclinic.co.za



SUID-KAAP JAGTERS- EN BEWARINGSVERENIGING
SOUTHERN CAPE HUNTERS AND CONSERVATION ASSOCIATION

Aktiwiteite sluit in: Spoorsny vir oorlewing, oogskerping, nagbeweging


Veldskool 28 - 30 Maart 2025

Stel jy belang in 'n onvergeetlike veldervaring wat jou vir die res van jou lewe kan bybly?


Veldhigiëne,
kamoeflering, rugsak te
pak vir die veld, om die
flora en fauna van ons
natuurerfenis beter te
leer ken



Hoe om 'n veilige
kampvuur te maak.

Indien jy 10 jaar en ouer **en in die laerskool** is, moet jy seker maak dat jy hierdie unieke geleentheid nie misloop nie. Slegs die eerste 25 leerders word aanvaar. Stuur 'n  boodskap om jou plek te bespreek!

Veldskoolgroete
Oom Fermi

 : 072 444 8236

E-POS: meyerfermi@gmail.com

WEB: www.suidkaapjagters.co.za

*Respek bou sterk
verhoudings!*



Karakter is om die regte ding te doen,
selfs as niemand kyk nie. ~ J.C. Watts



WEES WAARDE WENNERS